

# QUÆSTIO MEDICA,

QUOD LIBETARIIS DISPUTATIONIBUS  
manè discutienda in Scholis Medicorum, die  
Jovis decimâ-octavâ Novembris.

M. AMANDO DOUTE', Doctore Medico,  
Præside.

*An Virago factum progenerat imbecillem?*

## I.

**T**AM stolidorum hominum, quam sapientum quorundam sermonibus innocens mulier sæpè vapulat. Namque ab illis ubique locorum dente maledico carpitur; despiciatissimum animal ab iis & contemptissimum habetur. Ipse Aristoteles Philosophiæ laude clarus quantum ingenio, quantum eloquentiâ potest, incumbit ad depressionem, perniciemque mulieris: scilicet hanc *âper âson* criminatur, hanc præter vota naturæ parentis in lucem suscipi scribit, quin etiam in dedecus & in opprobrium naturæ factam, non dubitat fœdissimum monstrum appellare. Qui remissus jam agunt cum fœminâ, vasculum esse garriunt, in quo semen hominis futuri conceptum, vitalis spiritus per orbem diffusi beneficio exsuscitetur. Mirum profectò matres à filiis tam malè excipi. Si rem ex æquo voluerimus æstimare, si de solâ Hypatiâ meminisse, quam ferunt ætatis suæ Philosophis longè superiorem, fatebimur maximam esse præstantiam fœminarum, nec aures ampliùs hisce malis dabimus Philosophis, quibus quum æs triplex circa pectus, nec formâ, nec elegantiam muliebri moveri queunt. Quippè licet sinè controversiâ primæ viris deferantur in pluribus seu jure à naturâ dato, seu per vim acquisito; negari non potest fœmineas dores virtute masculâ minus obscurari. Atque ut omittam cætera vel mentis, vel vitæ munia quæ tam nobiliter à mulieribus, quam à maribus exercentur, generationis opus, fœminarum proprium & præstantissimum opus esse putaverim. Et verò quid aliud affert vir ad generationem, quam candentem spumam, quæ spuma vix aliqua modò esse viderur, si fides Anglo doctiori. Fœmina verò dat non *â poua* turpe, salivali oris excremento vel oculorum lacrymis iniquè collatum, sed ovum illustre, sed materiam stabilem ex quâ jam jam homo novus progignatur. Illa sicut suo fecundum germen complectitur, fovetque, donec numeris omnibus absolutum hominem in has auras emittat. Huic portò generationis officio fœmina quæque feliciter non vacat. Quæ staturâ major, numero sobolis plerumque minor. Quæ niveo candore cutis mage conspicua, non præluet fecunditate clariori. Quod te fortassis in admirationem traducat, sunt è fœminis nonnullæ, quæ bellè nu-

2  
tristatur, quæ artuum robore præstant, quæ sanitate gaudere videntur flo-  
renti, quarum etiam non castiganda segnitās vel quum veneri litandum, vel  
quum equitandum: Quæ tamen *ἐν τῇ περὶ τῆς ἐξίας ἐκ τῆς* à tribu sunt & curiā ste-  
tilium aut paucos omninò liberos & admodum imbecilles progenerant.

I I.

GENERATIONIS opus, Dei satoris suspiciendum opus. Quis enim  
glandem videat, nec miretur, ex initiis tam exilibus nemorum decus ar-  
borem nasci, quæ sublimi vertice vicina propè feriat sydera. Sed quisquis hu-  
manum semem speculabitur, ægrè sibi persuasurus est, ex hac rudi mole vi-  
rum fieri multis ex partibus conflatum arte mirâ perfectis. Ut autem vivat se-  
men ac sobolescat, magni refert, quibus ex fontibus manet, quibus vasis ex-  
cipiatur. Si fontes impuri, venus frugiperda, vel vitii proles deformis fu-  
tura. Si vasa compressa & contracta nimis, artus pueriles difficillimè finger-  
tur, debitum non capient incrementum. Sed sicut ea solum ridet prata, quæ  
salientis aquæ rivis irrigantur; ita nullos ex semine fructus habere possumus,  
nisi multus humor ad uterum fluat, quò sitiens puellus recreetur, *ἢ δὲ ὁ σῶμα*  
*ἐν τῇ σῶματος ἐν τῇ ἐσπῆτις, σπερματικόν.* Hinc venas & arterias plures provida na-  
tura fecit, ut purpureus liquor jugi fluxione currat ad placentam: moxque hoc  
dulciori succo ab umbilici vasis accepto pascatur infans ad satietatem. Nec  
enim iis assentior, qui sætum utero captivum nutriti putant seu lacte per os, seu  
sero per cutis poros immisso. Quod si non supererit hæc sanguinis ubertas, fieri  
nullatenus potest, benè se se habeat infelix propago. Nam quemadmodum  
in annonæ penuriâ sedet in ore pallor & macies in corpore. Quemadmodum  
feris esurialibus corpus languet destitutum cibo familiari: sic puer materni  
sanguinis inops, nusquam valet, nusquam colligit vires necessarias, quibus  
membra confirmantur ac demum victor ovans ex uteri carcere prorumpat.

I I I.

NON eadem fors, non una conditio foeminarum. Alia est quæ os ha-  
bitumque Dæi similis. Alia est quam frontis honos eximie commendat.  
Illa necessariò colitur, hæc amatur necessariò. Quedam est quæ stertit ad  
multam diem, quæ fufum torquet ingloria. Quedam est quæ res arduas ju-  
giter animo voluit, quæ matutina, quæ sedula musis operam navat. Est  
quæ laboris impatiens, nisi fortè veneri. Est quæ firmis lacertis quodlibet  
opus & onus fortiter sustinet. Hæc insigni virtute corporis, mulier à muliere  
potest a quissimè disparari. Quod si venas hujus utriusque generis tenere stu-  
deas, facili negotio capies, quanto distet à se se invicem intervallo. Scili-  
cet illa domo conclusa pedem foras non effert, hæc audax omnia perpe-  
ti, latebras tecti fugit. Illa solem æstivum æque ac hybernū cavet; hæc  
gaudet liberiore campo seu dum Zephiri molles in aëre ludunt, seu dum unā  
Eurusque Notusque ruunt. Illa perpetuo abundat otio; hæc ubique operosa  
virilem patientiam in opèribus æmulatur, industriam aquat; quodque viro  
simillima, Virago celebratur. Rara in terris avis, sic à naturâ comparata mu-  
lier, nec fortè plurius æstinanda mulier; si ratio fecunditatis habeatur, ex  
quâ laus maxima foeminis accedit. Et verò licet delimiti sæpè soleat præsentis  
amoris voluptariis: illa tamen pretiosum amoris pomum vix legit. Dum  
alterius sexus dotes ipsi tribuit natura, videtur has ipsi negasse virtutes, à

3  
 quibus habent ceteræ mulieres quod matres saluentur. Et quidem ut generosa parens filios procreet, locos habeat commodos oportet proli gestandæ. Hi verò loci debent ita esse affecti, ut pro re natâ modò contrahantur, modò protrahantur. Contrahuntur, ut acceptum semen incalascet: sicque motus fiat ad secretionem partium confusarum. Protrahuntur, ut eiescat, ut augatur conceptus. Nec satis mater optima sanguineos latices effundere teneatur, ut alimenti, simulque augminis materiam filio suppeditet: aliquân susceptæ proli mirus providere, minus implere suas partes debent. Verùm hæc ambo ceterarum fœminarum ornamenta desiderantur in Viragine, quemadmodum & in prosedâ, ac veteranâ virgine quæ *de deus* vixit: quapropter mirum videri non debet, si robusta mulier, aliquandò conceptum nesciat, aut saltem si nullius dignitatis nullius pretii sobolem enitatur.

I V.

**E**MINENS robur, Athletarum virtus eminens nechon & fœminarum quarundam. Robur exercitio potissimum acquiritur, à quo induratur omne corpus: naturæ tamen donum est splendidius. Maximè pender ab affectione quadam nervorum, membranarum ac ligamentorum quâ fit ut harum partium stamina sibi cohæreant ac continuentur, atque ita motus quosque ferunt sine metu disjunctionis. Quantam enim esse putas coherentiam vinculorum, quibus vertebræ dorsi colligantur, dum quis enorme pondus per urbis compita strenuè bajulat. Sed multo nec fugaci spiritu cava nervorum debent repleri quo diutius & alacrius exerceantur. Hinc qui jejunos, non laborat constanter, hinc nisi vino madeant & utantur pane secundario quique, quorum præ ceteris nobilitatæ vires, intrâ breve tempus animo deficiunt. Quibus igitur corpus extructum à naturâ, quod longi laboris tædia ferre queat, caleant illi plurimum oportet, solidiora nacti sint ossa, nervos, membranas, ligamenta constantia strictiori compactione. Jam verò si rem æquâ lance libremus, an crediderimus? excellens robur conveniat unâ cum irextinguibili fœcunditate. Certè nemo sapiens, hæc disjuncta duo componere meditetur. *σώμα πρὸς τὴν ψυχὴν* Viragini sæpè numero contingit ex cornio!â quasi duritie connatâ. Undè *στυφαί* velut adstrictiores & compactiores virile semen difficilius exsugunt. Sed membranæ quibus constat uterus Viraginis, indeolem referunt aliarum partium spermaticarum ex quibus ipsius corpus coagmentatum; duriores sunt illæ, quam ut pateant satis temore prægnationis: adeoque uteri parietibus faciliè puer in habitat. His nimirum angustis loci compressior, sic tanquam injectis vinculis coercetur, undè nec liberè movetur, nec meritorè potius usquam accretione. Sed qui spiritus *συσπνέων* & *τεχνοειδής* inest præcordiis Viraginis, si recentem quotidie sanguinem facit, eundem exorbet quotidie. Quod si parti cuidam optimi liquoris flamma vorax parcat, hæc sanè pauxillula, quâ tenuiter, quâ miserè famelicus alatur Embryon. Quæ ergo alibi natura suas opes effundit in nascituros maru quasi prodigâ, has ibi non nisi parcat dat, ac impertitur. Has ideo conferre potes merito fœminas cum arboribus, quæ ramos longè, latèque explicant, quæ frondefcunt arcerè, quæ superbè comam ad cælum extollunt, avaro tamen colono fructus reddunt admodum ingratos.

**M**ULIEBRIUM locorum coarctatio multum obest accretioni, per-  
fectionique foetus. Id autem in dubium minime revocaturus es, modò  
cum principe medicinae dudum observaveris, semina melonis aut cucumeris  
vitreo vase quodam exiguo contenta, non nisi degeneres fructus proferre.  
Sed si non nihil ad Bononienses canes attenderis, hos idcirco delicatulos,  
hos parvitate spectandos brevi rescies, quod recens nati quibusdam inclu-  
dantur arculis, ultra quarum terminos quum artuum moles non distendatur,  
indè sit catelli non superent quodque musculi magnitudinem. Alia si qua-  
ras exempla, quibus tibi declaratur manifestè, pro minori capacitate uteri  
minorem puellum obtineri. Non te moror, alia sunt. Si verbi gratia, mulier  
suum cælare velit amorem & quem pragnans mater filium alvo continet, ab  
omnium oculis removere studeat, universum abdomen strictissime fasciat.  
Quod si testis oculatus fueris post hac hujus puerperii; videbis, nihil mollius  
nihil humiliter hac prole, quæ tunc editur ab iniqua novercâ. Quod si exte-  
riùs injecta vincula foetui grave detrimentum afferunt: cur nativa contra-  
ctio muliebris uteri parem effectum non sortiatur. Si quis demum in animo  
tuo scrupulus resideret; quo fit, minus credas, juvenem, sanam, viribus cum  
valentiore viro pugnantem foeminam, tantum sanguinis foetui suppeditare non  
posse quantum opus ut ipse saginetur, audi Medicum Dictatorem, hic te  
docebit, robustas mulieres μη καταμινώδεις, tributum sanguinis raro persolve-  
re. Sed si ab oratore accipias omnia quæ tellus concipit semina, temperatio-  
ne caloris oriri & augescere, quid ni putes? ab æstuosissima Viragine man-  
cum ac debilem effectum producendum. Certè sicut sol matutinis horis beni-  
gnâ luce multos è sinu terræ flores prolicit aliquandò, quos ipse vorat, dum  
spicula recta vibrat medio die, sic ex potentiori semine Viraginis factus puer,  
intra breve tempus marcescit, ab eodem propè absumptus igne, à quo fuit  
eductus.

*Ergò Virago foetum progenerat imbecillum.*

**Domini Doctores disputaturi.**

- |   |   |  |
|---|---|--|
| M. Ludovicus Gayant, Me-<br>dicus Regis ordinarius. | M. Claudius Berger.                         | M. Raphaël Maurin.                               |
| M. Franciscus Vexou.                                | M. Claudius Biendisant.                     | M. Petrus Crescé.                                |
| M. Claudius Puylen.                                 | M. Dominicus de Farcy,<br>Schola Professor. | M. Alexander Michaël Denys,<br>Professor Regius. |

Proponerebat Luteriæ JOANNES-FRANCISCUS FOY-VAILLANT,  
Bellovacensis, Baccalaureus Medicus. A. R. S. H. 1688.

**P A R I S I I S,**

Apud Franciscum Muguet, Regis, & Facultatis Medicinæ  
Typographum.